

ՋՐԱՀԵՂՁԸ

- Ներս վազեցին մանուկները
Ու կանչում են հորն ըշտապ.
— Ա՛յի, ա՛յի, ե՛կ, մեր թոռը
Մենեկ հանեց գետի ափ:
5 — Սուտ եք ասում, շա՛ն լակոտներ,
Գոռաց հայրը ահաբեկ.
Ըսպասեցեք դուք հալա դեռ,
Մենեկն հետո կըտեսներ:
- Դիվան կըգա — պատասխան տուր,
10 Յավի միջում կըմընամ.—
Հընար չըկա, բե՛ր, ա՛յ կընիկ,
Շորերըս տուր, մի գընամ:
— Ո՛ւր է մեռելն: — Ա՛յ, ա՛յի, ա՛յ:
Ճիշտ որ գետի եզերքին,
15 Թաց թոռի մոտ, գետնի վըրա
Տարածված էր մի մարմին:
- Ջարհուրելի դիակն ուռել,
Կապըտել էր այլանդակ:
Արդյոք տանջված մի թշվա՛ռ էր
20 Հանգիստ գըտած ջըրի տակ,
Մի գետակուր ձըկնո՛րս էր էն,
Թե՛ գինեմուլ մի ջահել,

Թե՛ անըզգույշ վաճառական
Հարամու էր պատահել...

- 25 Ընչի՞ն է պետք... Աչք ածելով
Ըշտապում է գյուղացին,
Ոտից բըռնած, ետ քարշ տալով
Ջուրն է տանում խեղդվածին:
Ու թիակով գետի եզրից
- 30 Ջուրը հըրեց նա նըրան,
Ու դիակը գընաց՝ նորից
Փընտրի խաչ ու գերեզման:

- Մեռելն երկար ջըրի միջին
Ցած էր իջնում ճոճվելով,
- 35 Աչքով ճամփեց մեր գյուղացին
Ու տուն դարձավ կանչելով.
— Դեսը կորեք, ա՛յ լակոտներ,
Եկե՛ք, բան տամ ձեզ — տանեմ,
Ամա թե որ ձեն եք հանել,
- 40 Հոգիներըդ կըհանեմ:

- Գիշերն ուժգին բուք վեր կացավ,
Գետն ելնում է, որոտում...
Մարխը արդեն էրվեց, հանգավ
Լուռ ու ծըխոտ խըրճիթում:
- 45 Ողջ քընած են: Անքուն պառկած
Միտք է անում գյուղացին...
Բուքն ոռնում է... մին էլ հանկարծ
Լուսամուտը բախեցին...

- Ո՞վ ես: — Ներս թող, ա՛յ տանտեր, նե՛րս...
50 — Ա՛յ, ներս ու քեզ շոռ ու ցավ.
Ի՞նչ ես շըրջում Կայենի պես,

Ո՞ր սատանեն քեզ բերավ:
Ինչ անեմ քեզ, ասա՛, հիմի.
Տեղըս նեղ է, տունը մութ:
55 Ու ծուլլ ձեռքով, տըրտընջալով՝
Բաց է անում լուսամուտ:

Ցուում է լույսն ամպի տակից.
Ահա կանգնած... մի մերկ մարդ.
Ջուր է հոսում նրա միքքից,
60 Բաց են աչքերն ու անթարթ:
Կախ են ընկած բազուկները,
Ողջ կարկամած սոսկալի,
Ուռած մարմնին քառչանգները
Կըպած՝ սևին են տալի...

65 Ահից մարեց՝ ճանաչելով
Իր մերկ հյուրին նա հանկարծ
Փեղկը խփեց ու դողալով՝
— Ա՛յ դու ճաքես, քըրթմընջաց:
Ամբոխվեցին մըտքերը մութ.
70 Մինչև լույսը նա դողում,
Մինչև լույսը լուսամուտը
Բախում էին ու բախում...

Ամբոխն ահեղ զըրույց ունի,
Թե այս դեպքից գյուղացին
75 Հսպասում է ամեն տարի
Միշտ նույն օրը խեղդվածին:
Խառնվում է օրն առավոտից,
Գիշեր գալի բուք ու մութ,
Ու խեղդվածը ամբողջ գիշեր
80 Բախում դուռն ու լուսամուտ: